

Headline	Pencarum terkilan kaedah pembahagian keuntungan Tabung Haji		
MediaTitle	Utusan Malaysia		
Date	05 Feb 2014	Color	Black/white
Section	Letters	Circulation	173,387
Page No	22	Readership	699,000
Language	Malay	ArticleSize	106 cm ²
Journalist	N/A	AdValue	RM 1,381
Frequency	Daily	PR Value	RM 4,144



Pencarum terkilan kaedah pembahagian keuntungan Tabung Haji

SAYA terpenggil untuk memberi pandangan tentang operasi Tabung Haji (TH).

Pertama tentang subsidi yang diberi kepada jemaah pertama kali dan tidak kepada jemaah ulang.

Kedua, terbaharu bonus yang diumumkan hanya untuk penyimpan yang belum mengerjakan haji sahaja.

Pada dasarnya apa pun teori ekonomi dan akta yang dipakai, TH tertegak hasil dari duit pencarum.

Keuntungan daripada pelaburan diagihkan kepada pencarum dan sebahagian lagi mungkin dianggang milik TH sebagai sebuah

entiti yang digunakan mengikut sesuka hati TH.

Di sini mungkin ada sedikit kecacatan anggapan kerana pada

dasarnya setelah ditolak kos operasi sebenarnya, segala wang dan aset TH adalah milik pencarum.

Atas dasar ini, kesemua pencarum mempunyai hak untuk mendapat subsidi haji dan bonus tanpa mengira mereka pernah atau tidak mengerjakan haji.

Ada kalanya kita terlupa dengan prinsip asas ini apabila kita mencipta berbagai-bagai akta dan peraturan ekonomi yang kompleks.

Atas dasar apa yang TH pakai untuk memilih hanya yang bukan

berpangkat haji atau hajjah untuk diberi subsidi atau bonus sedangkan mereka sama-sama mencarum?

Jika atas dasar timbang rasa, adakah TH bertanya dulu kepada pencarum yang lain?

Jika jawapannya dulu masa tanda tangan bermakna telah me-

nerima segala syarat-syaratnya, jawapan saya, apa pilihan kami?

Ingatlah TH jika ada orang yang menulis bermakna ada yang tidak berpuas hati.

Operasi TH bagi saya adalah lebih kepada operasi amanah. Harap masalah yang diutarakan ini tidak berterusan.

HJ. MOHAMAD